

ՀԱՄԱՁԱՅՆԱԳԻՐ 184-24

2024 ԹՎԱԿԱՆԻ ՀՈՒՆԻՍԻ 03-ԻՆ ԿՆՔՎԱԾ «ՍԵՓԱԿԱՆՈՒԹՅԱՆ ՕՏԱՐՄԱՆ  
ԳՈՐԾԸՆԹԱՑԻ ՄԱՍԻՆ» N166-24 ՊԱՅՄԱՆԱԳՐՈՒՄ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄ ԿԱՏԱՐԵԼՈՒ ՄԱՍԻՆ

ք. Երևան

«26» հունիսի 2024թ.

**Հայաստանի Հանրապետությունը՝** ի դեմս Հայաստանի Հանրապետության  
Էկոնոմիկայի նախարարության, որի անունից հանդես է գալիս նախարար Գևորգ  
Պապոյանը (այսուհետ՝ Լիազոր մարմին), ով գործում է նախարարության կանոնադրության  
և ՀՀ Կառավարության 2023 թվականի սեպտեմբերի 7-ի N 1529-Ա որոշման հիման վրա,  
մի կողմից, և **«Համաշխարհային առևտրի կենտրոն Երևան» փակ բաժնետիրական  
ընկերությունը** (ՀՎՀՀ՝ 08279909, գրանցված 31.05.2024թ., գրանցման համարը՝  
264.120.1390913, գտնվելու վայր՝ Հայաստանի Հանրապետություն, ք. Երևան, Բաղրամյան  
պողոտա 2-րդ փակուղի 8 շենք, 41 ոչ բնակելի տարածք), ի դեմս Գլխավոր տնօրեն  
Արտաշես Տոնոյանի, ով գործում է Ձեռքբերողի կանոնադրության հիման վրա (այսուհետ՝  
Ձեռքբերող), մյուս կողմից (այսուհետ՝ առանձին՝ Կողմ, համատեղ՝ Կողմեր), հիմք  
ընդունելով 2024 թվականի հունիսի 03-ին կնքված «Սեփականության օտարման  
գործընթացի մասին» N 166-24 պայմանագրի (այսուհետ՝ Պայմանագիր) 12.6-րդ կետը,  
կնքեցին սույն համաձայնագիրը (այսուհետ՝ Համաձայնագիր) հետևյալի մասին.

### 1. Համաձայնագրի առարկան

1.1. Պայմանագրի 1.10-րդ կետը «Ժամանակահատվածով» բառից հետո լրացնել «, եթե  
տվյալ գույքի (գույքերի) հետ կապված վեճերն էական խոչընդոտ են հանդիսանում  
Քաղաքաշինական ծրագրի իրականացման համար» բառերով:

1.2. Պայմանագրի 8-րդ գլուխը հանել:

1.3. Պայմանագրի 12.3 կետը շարադրել հետևյալ խմբագրությամբ.

«12.3. Կողմերի միջև փոխադարձ համաձայնություն կամ պայմանավորվածություն ձեռք  
չբերվելու դեպքում Պայմանագիրը կարող է վաղաժամկետ լուծվել դատական կարգով  
Ձեռքբերողի կողմից, եթե Լիազոր մարմնի կողմից թույլ է տրվել Պայմանագրի էական  
պայմանների խախտում:»:

1.4 Պայմանագրի 12.4 կետը շարադրել հետևյալ խմբագրությամբ.

«12.4. Կողմերի միջև փոխադարձ համաձայնություն կամ պայմանավորվածություն ձեռք չբերվելու դեպքում Պայմանագիրը կարող է վաղաժամկետ լուծվել դատական կարգով Լիազոր մարմնի կողմից, եթե Ձեռքբերողը չի կատարում կամ սահմանված ժամկետում չի կատարում Պայմանագրի 1-ին գլխի 1.10 կետով սահմանված Քաղաքաշինական ծրագիրը կամ 4-րդ գլխի 4.1 կետով սահմանված պարտավորությունները կամ Ձեռքբերողի կողմից թույլ է տրվել Պայմանագրի էական պայմանների խախտում:»:

## 2. Այլ պայմաններ

2.1. Համաձայնագիրն ուժի մեջ է մտնում Պայմանագրի ուժի մեջ մտնելու պահից և հանդիսանում է Պայմանագրի անբաժանելի մասը: Ընդ որում, Կողմերից յուրաքանչյուրն ընդունում է մյուս Կողմի իրավունքը՝ Համաձայնագրի կնքումն իրականացնել էլեկտրոնային թվային ստորագրության կիրառմամբ՝ համաձայն ՀՀ քաղաքացիական օրենսգրքի 296-րդ հոդվածի 3-րդ կետի կարգավորման: Այդ դեպքում, մի Կողմը պարտավոր է Համաձայնագրի՝ մյուս Կողմի ստորագրած ՓԻԴԻԷՖ (PDF) ֆորմատով էլեկտրոնային տարբերակի վրա դնել իր ստորագրությունը (այդ թվում՝ էլեկտրոնային թվային), և ստորագրված Համաձայնագիրը թղթային կամ էլեկտրոնային տարբերակով տրամադրել մյուս Կողմին:

2.2. Համաձայնագրում չնշված Կողմերի Պայմանագրով նախատեսված իրավունքները և պարտականությունները, Համաձայնագրով չփոփոխված Պայմանագրի մնացած բոլոր դրույթները մնում են անփոփոխ և պահպանում են իրենց ուժը:


2.3. Համաձայնագիրը կազմված է 2 (երկու) էջից, կնքված է 2 (երկու) օրինակից, որոնք ունեն հավասար իրավաբանական ուժ, յուրաքանչյուր Կողմին տրվում է Համաձայնագրի մեկական բնօրինակ:

## 3. Կողմերի ստորագրությունները.

ԼԻԱԶՈՐ ՄԱՐՄԻՆ

Հայաստանի Հանրապետություն՝  
ի դեմս Հայաստանի Հանրապետության  
էկոնոմիկայի նախարարության

Գևորգ Պապոյան  
Նախարար



ՁԵՌՔԲԵՐՈՂ

«Համաշխարհային առևտրի կենտրոն  
Երևան» ՓԲԸ

Արտաշես Տոնոյան  
Գլխավոր տնօրեն

Digitally signed by TONoyAN ARTASHES  
2112760221  
Date: 2024.06.26 11:07:42 AMT